



14
1544
42



龍洲集序

龍洲集非斜川集也客曰如是則序龍洲足矣而又言  
斜川何也曰一以正書賈之偽本一以存叔黨之集名也  
斜川集十卷見文獻考世無傳本王漁洋香祖筆記  
稱康熙乙酉有書賈來益都之顧紳鑄精斜川集僅  
二冊價至二百金有奇惜未得見之今不可知此本  
染紙作古色補鑄烏絲假鑄虞山汲古閣毛晉印章  
世皆信爲斜川真集久矣不辨其偽矣考晁說之作  
蘇過墓志過卒于宣和五年此集中所稱乃嘉泰間  
禧年號且周必大姜堯章韓侂胄俱南渡後人遷何

龍洲集序

龍洲集非斜川集也客曰如是則序龍洲足矣而又言斜川何也曰一以正書賈之偽本一以存叔黨之集名也斜川集十卷見文獻考世無傳本王漁洋香祖筆記稱康熙乙酉有書賈來益都之顏神鎮攜斜川集僅二冊價至二百金有奇惜未得見之今不可知此本染紙作古色補鑄烏絲假鑄虞山汲古閣毛晉印章世皆信爲斜川真集久矣不辨其偽矣考晁說之作蘇過墓志過卒于宣和五年此集中所稱乃嘉泰開禧年號且周必大姜堯章韓侂胄俱南渡後人過何

從見之其乖刺不辨而知也客曰然則何人集也曰此宋劉過改之集也書賈因過同名冒題爲斜川以漁利也然則何以不竟題龍洲而言斜川何也曰余蜀人也所以辨斜川之集名且皆宋人文集也讀者只作龍洲集讀之足矣余于是有深感也文忠之裔至求其真集而不得所謂雖無老成人尚有典型也故附錄王明清揮麈後錄于左以見宣和五年卒之真而並校天下之刊本抄本其皆僞本云羅江李調元

龍洲集卷一

宋劉過撰

綿州李調元甫校

歌行

襄陽歌

十年着脚走四方胡不歸來兮襄陽襄陽真是用武國上下吳蜀天中央銅鞮坊裏弓作市八邑田熟麥當糧一條路入秦隴去落日彷彿見太行土風沉渾士奇傑烏烏酒後歌聲發歌曰人定兮勝天半壁久無胡日月買劍傾家貲市馬托生死科舉非不好行都兮萬里人言邊人盡羸材卧龍高卧不肯來杜甫

音沙集 卷一  
詩成米芾寫二三子亦英雄哉

多景樓醉歌

君不見七十二子從夫子儒雅強半魯國士二十八  
將佐中興英雄多是棘陽人丈夫生有四方志東欲  
入海西入秦安能齷齪守一隅白頭章句浙與閩醉  
游太白呼峨岷奇才劍客結楚荆不隨舉子紙上學  
六韜不學腐儒穿鑿註五經天長路遠何時到側身  
望兮涕沾巾

紅酒歌

桃花爲麴杏爲蘖酒醞仙方得新法大槽迸裂猩血  
流小槽夜雨真珠滴峴山之北古襄陽春風爛熳花  
草香乘輶誰爲部使者金閨通籍尚書郎兒樣愛民  
真父母十萬人家感恩厚鵝兒不酌宜城黃流霞造  
此江南酒輪蹄日日行樂同琥珀瀲灩琉璃鐘珊瑚  
枝下貴公子人面日色相爭紅欄干十二開簾幕腰  
鼓轟雷奏僊樂翠翹金鳳大堤倡玉纖捧勸羅衣薄  
人生百歲能幾何海棠花開春較多有貂可解換一  
斗醉到天曉待作麼

瓜洲歌

今年城寨明年城瓜洲寇來不能禦賊去欲自囚

偉哉淮南鎮禹貢之揚州念昔叢爾虜馬箠輕江流  
翠華離金陵人有李郭不幸被帳下兒一箭斃其酋  
帝犯有遺臭鮮血粘髑髏敗軍慘無主蛇豕散莫收  
勢當截歸路盡與俘馘休甲兵洗黃河境土盡白溝  
天子棄不取區區乃人謀金帛輸東南禮事昆夸優  
參差女墻月深夜照敵樓泊船運河口頗爲執事羞

盱眙行

車徐行馬後馳天寒遊子來盱眙功名邂逅未可知  
生身畢竟要何爲旣不起草黃金闥又不待宴白玉  
墀何不夜投將軍飛勸上征伐鞭四夷滄海可填山

可移男兒志氣當如斯安能生死困毛錐八韻作賦  
五字詩金牌郎君黃頭兒有眼不忍重見之志大才  
疏浩無期逢人舉似人笑嬉謂爲癡人未必癡喚作  
奇士何能奇

從軍樂

芙蓉寶劍鷲鷲刀黃金絡馬花盤袍臂弓腰矢出門  
去百戰未怕臯蘭塵酒酣縱獵自足快詩成橫槊人  
稱豪但期處死得其所一死政自輕鴻毛將軍三箭  
定天山丞相五月入不毛生前封侯死廟食雲臺突  
兀秋山高書生如魚蠹書冊辛苦雕篆真徒勞兒時

鼓篋走京國漸老一第猶未叨自嗟賦命如紙薄始  
信從軍古云樂

登昇元閣故基

脚力倦矣盍少休侵晨更作昇元遊眼中已不見二  
百四十尺突兀之高樓但見炊煙萬竈宿貔貅上有  
啼鴉噪鵲如泣訴下有藤蔓老樹根據枝相蚪想其  
結締初匠石巧與造物侔楠棖枅拱不知幾大木一  
木牽挽回萬牛山川退聽左右受約束日月烏兔早  
暮東西流阿房之旗矗立矮如戟臨春結綺望仙三  
閣俱下頭盃盃塊培塿而已矣蹄泠洞庭芥爲舟柱

撐霄漢彈壓大千界下歷梁唐秦隋晉漢周一朝世  
故有翻覆禍結祝融回祿與鬱攸灰飛障天烟焰熾  
一火三月爛不收遂使觚稜花草莽丹雘成墟邱吾  
聞至人侈儉初何心有茅一把蓋頭便可留何必窮  
極土木事妖恠腴削赤子膏血斂以哀是故子劉子  
不僊不佛亦不侯視鸞臺鳳閣爲蘧廬百萬買宅亦  
夢幻泡影漚江西豈無家白沙翠竹泉石幽茅簷曝  
日搔背癢籬缺墻破手葺修爭如以天地爲室廬日  
月行住坐卧得自由不爲朱門是不作白屋羞有時  
騎鯨千里遊汗漫有時蛤蜊遽食龜殼秋彼昇元閣

音  
者亟成而復壞腸亦不能爲之斷心亦不能爲之憂  
造物何足云此身自贅疣譽堯毀桀未必公是非邱  
跖兩窖蟻與螻日斜諸公急下山我有斗酒歸去來  
兮相與勸酬

大雪登越州城樓

北風吹雪天盡頭蘇州未了來越州越人夜乘剡溪  
舟烏喙還念栖山不吳人載酒登虎邱窈窕萬舞雜  
清謳迤邐茂苑來長洲不願麋鹿蘇臺遊我獨忍凍  
城上樓欲擒元濟入蔡州盛騎突出風颼颼越人驚  
倒吳人愁

望幸金陵

建鄴水太勝武昌魚有味江東雲不比渭北春天樹  
春天門峯嶽兩岸石壁立石頭鍾阜龍虎東西分椎  
牛醞酒家家淮擬犒三軍翠華不來冷落行宮門泰  
華不易得天下關中爲本根懷哉金陵古帝藩千船  
泊兮萬馬屯西湖真水真山好吾君亦豈忘中原

艤舟采石

我昔南遊武昌夏口之山川赤壁弔古齊安邊又嘗  
北抵鶴唳風聲地八公山前望淝水誰令艤舟牛渚  
磯樓船蔽江憶當時周郎未戰曹瞞走謝安一笑符



堅危黃雲如屯夜月白箭痕刀痕滿枯骨健兒飯飽  
飲馬來意氣猶雄歌尚烈只今采石還戍兵諸將奄  
奄泉下入飯囊盛飯酒甕酒位去三衙稱好手

龍洲集卷一畢

龍洲集卷二

宋劉過撰

綿州李調元

雨村校

七言古詩

題潤州多景樓

金山焦山相對起挹盡東流大江水一樓坐斷水中  
央收拾淮南數千里西風把酒閒來遊木葉漸脫人  
間秋烟塵茫茫路渺渺神京不見雙淚流君不見王  
勃才名今蓋世當時未遇庸人爾琴書落魄豫章城  
滕王閣中悲帝子又不見李白才思真天然時人未  
省為謫僊一朝放浪金陵去鳳凰臺上望長安我今

四海行將遍東歷蘇杭西漢沔第一江山最上頭天  
下無人獨登覽樓高思遠愁緒多樓乎樓乎奈汝何  
安得李白與王勃名與此樓長突兀

清溪閣次胡仲方韻

瓊樹新枝梅蕊迸與君攜手清溪勝舊時狎客歌舞  
場何似詩人風雪逕溪邊傑閣高峻層左右華屋連  
飛薨依稀王謝鳴珂里髣髴秦箏雲母屏古來繁華  
各衰歇只有不磨掛壁月小船何處載愁來哀怨一  
聲吹笛裂

呈陳總領

旄頭攙搶銳衝擊殺氣隆隆半天黑千家悲哀萬家  
哭唐鄧征魂招不得北斗移杓向西指八月風高塞  
塵起大軍忠義赴襄陽飛鳥潛魚未知死黎黔殷憂  
痛無策願得空中降韓白嗚呼何代無奇才世間未  
有黃金臺

太宗造唐剗隋亂仁義結民過炎漢胡雛負恩逆天  
紀忠義回天四方起嗟哉主將失紀律百萬秦人半  
爲鬼浮雲改變異今古不謂前車眼中覩當時潼關  
說哥舒今日襄陽說皇甫  
先生文章擅經緯戰法淵源如孔子當時蜒獠沸溪

洞一掃蠻風淨如水胸中氣壓萬人將億萬貔貅資  
餽餉漢家火德接天統秘計奇謀堪任相願公飛章  
告天子胡疾如風走如鬼

商渠渡河河可憑精衛填海海可平物情大忌不量  
力立志亦復嘉專精憶昨痛哭麗正門白袍黑帽如  
游魂中書堂留草茅疏不賜誅戮光宗恩暮年志氣  
耻凋喪廣長場中弔名將願持上方三寸鐵細剖赤  
心告今上

今上聰明過堯湯師王忠純如魏王君正戮力殄仇  
虜六月戈甲飛冰霜泗州已復漢正朔議飾寢廟修

洛陽草茅蟻虻百無用山嶽  
候河清讀公浯水中興頌

憶鄂渚

我離鄂渚已十年吳兒越女空華鮮不如上游古形  
勢四十餘萬兵籌邊中原地與荆襄近烈士烈兮猛  
士猛澤連雲夢寒打圍城接武昌曉排陣書生豈無  
一策奇叩閣擊鼓天不知却思仙人白玉笛胡床醉  
倚南樓吹貂蟬兜鍪兩岑叔若邪溪傍還作客空餘  
黃鶴舊題詩醉筆顛狂驚李白

寄竹隱先生孫應時

時爲常熟宰

蘇州酒滴如真珠公能醉之酒百壺得閑政恐不來  
耳來則倒跌相與俱江山遶樓詩句好奔走萬變同  
馳驅大書小草各有態雷震耀鶯花姝當其半醉  
尚醒在宛若處女未嫁夫益行到手湖海竭翻覆雲  
雨來須臾羲之屈使坐北面命騷如役僕與奴角巾  
斜飄鬢毛出筆墨顛倒衫袖烏回旋左右如有碍歸  
路不記長鬚扶賓僂指摘士竊笑亦有好事描爲圖  
或云先生鬻於用浮沉欲以酒自娛實非能飲姑好  
客不時斗酒由人須若余乃是真飲者糟邱日日鄉  
無何雖然人亦難意料未可日以爲酒徒相逢擺畧

邊幅盡曾次開轄無以郭斂藏窮達付之酒不以禮  
法自束拘情歸一真與無偽滑稽玩世爲通儒飲與  
不飲無不可醉醒醒醉同一區癡人之前莫說夢夢  
中說夢愈闕迂客來輒飲飲輒醉此其所以爲竹湖  
不然他人豈無酒欲去此脚自懶趨計公之客日百  
數結束冠帶紛坐隅欲言喉牙物如梗中懷腹非外  
示愚不如鄙性好誠實退無所議進不諛歐公自愛  
曼卿放昌黎亦喜劉義滿城風雨重陽近黃花籬  
落金英敷山高凜風吹友倒公樓雖小主者殊狂當  
相就取一醉有酒飲我無酒酌此郎雖狂亦可喜我

去俗子疇當呼世無人兮亦已久公不容我誰容乎

明州觀大閱

書生燈牕因毛錐說着刀劍何時持忽聞殷殷金鼓  
震驚起塊坐筋骸衰國朝右武重秋獮列郡敢不張  
其威萬家駢首遮道看我亦役逐人後隨武夫橐鞬  
陳整整虎豹拏攬旌旗麾人言吳兒盡脆弱身髮文  
斷勇未知不見拔山昔項羽何必燕趙士始竒軍容  
粲粲生光輝悲風慘淡殺氣怒對此忽作邊頭思熊  
羆不譁曠爭出萬騎馳突寒打圍紛紛毛血腥原野  
箭竹正墮驚鴻飛將軍仰笑更賀金帛填委深溝

池十年文窮坐百拙感慨一賦從軍詩

嘉泰開樂日殿巖涇原郭季端邀遊鳳山白來  
美堂而上湖亭海觀梅坡石林無不歷覽最後  
登冲天樓下介亭觀騎射胡舞賦詩而歸

結束戰袍騎戰馬冠軍將軍宛如畫前呵小駐來美  
堂箭去弓鳴飛鳥下青林路轉入峒曉湖亭海觀爭  
爲高誰知鳳舞龍飛外別有樓閣橫雲霄回旋左右  
皆遊歷人物江山兩英特風流標致梅嶺梅磊落曾  
襟石林石側身更上天上行好風吹下笑談聲山神  
川后領要束遁走虎豹藏蛟鯨摩挲苔蘚題詩去萬

龍洲集 卷二 五  
鼓叢中雜胡舞衆賓捧酒壽主人將軍自是擎天柱  
看山看水時一來錢塘吳越何小哉指點中原百城  
在功名逼人有機會

古詩

涼生几硯窻未糊秋風射入如相呼床頭吳鉤作龍  
吼便欲乘此搗穹廬丈夫詩胆如斗大摩挲笑與歌  
楚些生平柔腸作鐵堅挑盡寒燈擁襟坐撞鐘打鼓  
天欲明鴉未知曉雞先驚夜來有雨不須問聽取牕  
前蕉葉聲老僧慣閑定較可山色朦朧半煙鎖玉簪  
委地怕禁持消息雨中彈指過前回十日得一晴遠

山松檜如潑青癡雲冉冉自辟易半江浣浣金龍生  
桂花畢竟絡繹薄強出嬋娟懶梳掠正綠久不見  
雲生事半功倍掃蕭索人言快意難得時世間樂事  
須生悲轉頭潑墨天地黑依然雨脚如絲垂山翁豈  
識神龍志特地霖霑阻游意不知金鳴香篆長擁鼻  
猶可看文戲重重疊疊添青蒼誰謂濃翠遠叢篁草  
木過濕有香意衣籠篤褥篝籠湯峭巖萬丈苔斑駁  
日固甚佳雨不惡晴明晦冥俱可觀芻豢有時薦藜  
藿愛山之癡如愛詩或日或雨皆足竒君不見若把  
西湖比西子淡妝濃抹總相宜

上譙江州

邱公鎮金陵辛老治京口君王神武欲籌邊九江更  
使何人守九江太守今譙侯譙侯德量容九州詩書  
禮樂晉元帥意度閒遠和而謀清尊對客溫如玉同  
上庠樓望西嶽胡塵萬里氣壓之客有白頭何碌碌  
出門煙水空茫茫西爲漢沔南衡湘指點武昌在何  
許買船又謁吳侯去

觀三疊泉

五老峯北嵯峨巖龍泉三疊來自天只因開闢便有  
此山雲蔽護經歲年一朝何事失肩鑰樵者得之人

共傳欲往從之人憚遠險溪絕壑空攀緣初疑雪崩  
湧天谷翻若雲奔下巖宿散爲飛風颺輕烟垂似銀  
絲貫珠玉隨風變態難盡名觀者洞駭心與日清寒  
侵袂心益爽清甘熨齒手屢掬我欲攬之作玉虹似  
開九丈錦屏風有若挿碧金芙蓉笑騎揮斥凌太罕  
窮源直到天河東

贈許從道之子祖孫

祖孫今年幾年齒兩髻耽耽垂到耳讀書要以六經  
先次第漢唐十七史老夫之見竊不然別有一說爲  
舉似方今孽闕日衰甚河朔早暮風塵起腐儒酸寒

作何用國家所欠奇偉士丈夫立身兩字盡臣子忠  
孝而已矣吾觀汝相頭面闊顏色麤厚黑而紫汝翁  
七十鬢髮轉汝父科第遲如此與生生死蠹文字士  
田官人村夫子不如左彎右挾弓肉食封侯差快耳

郭帥遺蕨羹

書生窮無食肉相老不能官猶崛強一杯紫蕨江西  
羹萬戶封侯猶未當主人幕下三千士談王說霸如  
蠶起日日椎鮮與擊肥饜飫腥羶飽而已此生只願  
喫此羹坐看將軍勲業成金山乞取一片山要看泚  
泚兒拳短窮人便是知田漢

舟中

扁舟去門風怒惡舟入深溪雪花落我行無事有底  
忙且向荻花深處着隣船乞火包蛤蜊尊中濁醪把  
一卮陶陶萬事不復理凍口且吐寒酸詩

村墅

俗子有錢村亦樂秋田米熟歌牛角三家村墅無官  
方夜半呼盧笑聲聒思我輩不如君平生讀書徒  
苦辛遭時喪亂未得志長策短藁無由伸不如賣劍  
買牛去也學此翁邨裏住只愁夜半月明時得意無  
人和詩句



題一犁春雨圖後

阿耘無田食破硯奉親日糴供朝飯有田正恐拙把  
 犁何得更為畫圖看汝父名汝汝當知有田無田未  
 可期有田不耕汝懶病無田畫田真畫餅畫田之外  
 乃畫牛捕捉風影何時休頭上安頭入詩軸全家不  
 忘猶食粥

龍洲集卷三

宋劉過撰

綿州李調元

兩村校

五言古詩

寄竹隱先生孫應時

竹湖人之英劇縣勇自試三年種桃李遺愛及童稚  
 咸欲父母之謂吾公之子獨有督郵嫌見謂不了事  
 瑕疵催科細欲以三尺治八月羈儻樓半生縻隱市  
 小窗天日晴灑落自胷次抖擻舊塵埃楮札左右置  
 寄傲點畫間揮染當遊戲人賢世所希嗜好人共貴  
 車馬關填門載酒日紛至大書極豪放小草亦圖媚

前沙集 卷三  
斂藏經綸業進此第一義玉版抄歌詩石碑刻圖記  
人家錦爲軸高壁垂至地襲藏較工拙臨寫費同異  
爭如老劉子落魄一狂士半生不讀書頗能會其意  
寒泉驥馬飲平陵蛟龍起得非久幽憤於以發奇氣  
政使鐘鼎疎自足名一世毛錐久見絕一見尚能喜  
酒邊袖予詩不譽亦不忌有時奪之去箱篋餘故紙  
如持將軍誥屢博姑蘇醉

正 同許從道遊涵碧

犯暑日午來坐到日落歸松桂叢團團竹光淨輝輝  
乳竇成濯纓綠染身上衣却傾所攜酒對酌老石磯

幽鳥當歌者薦以首山薇斂藏大千界遊戲麈尾揮  
寺門長安道結束駟馬肥醉鄉訪羶葷屏風肉紅圍  
我亭不關鎖何人款柴扉掉臂樵檐行藤蘿自烟霏  
古所謂迂闊若此二子稀既非携娉婷又乏玉鞍飛  
不知有何好林泉少焉依境勢更着語鬼神暗呵譏  
但知笑他人不覺自己非

只今湖學別蘇召叟

失學老無成寧不心自歉子卿生吾後逸俊眼未見  
委身入鑪錘顧此金百鍊有如頑鈍質豈可便磨刻  
看君說經旨不異甌水建小詩雖有技風味亦不淺

我途未易窮本自安眠飯俯仰道德光耳目自濡染  
 涼風忽秋思一夜窻紙颭平生湖海夢高興動淮沔  
 追思狂踪跡失處不可掩醉搥黃鶴樓一擲賭百萬  
 只今覺衰甚四海游已倦所餘習氣在未了一第欠  
 師友貴隆親古學當自反小夫事機械心甚山川險  
 半生客吳粵生死交情見誰知塵土中得君初識面  
 何時束裝來草草衾裘辦客適戀誠軒功名期歲晚  
 答曹元章 并序  
 曹元章以謹畏喜義雅為鄉里所重縣官自  
 令佐以來皆敬之疑若取友必慤莊之士乃

如某者實自放于禮法之外元章既不以狂  
 棄之方且紛飾語言以媚夫非議我者惜乎  
 相知而未深也唐賀知章逆知開元末年之  
 變託意鑑湖一曲以歸落魄四明自號狂客  
 至相率李白劇談痛飲呼為謫仙由今觀之  
 豈不甚怪然黃冠錦袍蹠棄爵祿與夫炙手  
 權門推而不去者其人品孰為賢否孔光張  
 禹皆大儒平日托經自文當王氏墓木未拱  
 之秋相與唯阿無骨鯁臣子氣自劉更生死  
 天下公論之口皆箝而不敢肆鼎祚陸沉繫

誰之罪吾觀天下齷齪之士滔滔皆是後世  
必有好予之狂者則又系之以詩其詞曰

先生修廉隅日日自謹畏老夫寄盃酒狂亦非所諱  
酸鹹雖不同各自有正味切莫對癡人說夢其詞費

古意席上爲徐子宜侍郎賦

桃李多芳妍開落如春風托身

關

天花不百日紅

殘月望朝日各自相西東爲君整儀容照水不照鏡  
爲君進甘旨君視肉有董悲歌欲感君聲若君不聞  
金玉徒結君君看若浮雲父母長歎息謂兒好德容  
脂澤固不妍珠翠亦無色娉婷艷陽春自醜不自惜

君心河漢流爲雨不復收妾心東流水赴海終不止

懷古四首爲知己魏倅元長賦兼呈王永叔宗

丞戴少望

言理不可求吾將訊蒼蒼桃李被笙歌松柏遭摧傷  
才高未爲福名大或不祥煌煌太史公逸氣橫八方  
瑞麟出非時巷伯終見戕晏嬰不可作鮑叔遙相望  
發憤著春秋掩奪日月光文章誠可傳毀辱庸何傷  
高高黃金臺燕趙爭趨風後來得荆卿恩禮盡鞠躬  
丈夫易感激況在窮厄中縞衣登素車幽谷照已空  
呂政當野死燕丹無奇功俠骨化爲鐵血海變水紅

英憤氣不磨今爲巨天虹  
天地有大經聖賢實先覺一身萬世則激厲爲忠樸  
周勃真少文汲黯信無學巋然社稷臣漢脉終有托  
微臣有揚雄百拜美新作男兒無英標焉用讀書博  
嗣宗黨司馬徒爾舖其糟叔夜屹玉山落落崑崙高  
神仙之可求以下闕湯武非聖人況識師與昭  
一死繼結纓孤竹爭清標蕩陰一杯血綵鳳無凡毛  
鴟鳶嗜腐鼠竟絕終身交

雨寒寄姜堯章

一冬無此寒十日不得出閉門坐如釣老去萬感入

冶遊亦餘事况乃燈火畢獨憐鏡湖春一一各秀發  
枝條綴芳蕤慘悴變倉卒凡草何足云誰弔梅柳屈  
東城有佳士詞筆最華逸持此往問之雨濺袍袴濕  
蠻箋定送似來時詩思澀醉字作蛇鴉行草倩蘇十

謁郭馬帥

千金買駿馬百城市蛾眉長安酒家樓揮灑驚人詩  
天子不得臣公卿氣吞之俯視兒女輩自詭男子奇  
誰知金陵都五年重來茲黑貂日以敝塵埃鬢成絲  
故人風雨散知己今爲誰郭侯山西英而有熊豹姿  
魏峨西忠廟喬木人所思垂芳到雲初大將奕世爲

兄弟各三衙父子步武隨萬戶侯冠軍金印何纍纍  
雖然平戎策終鬱未得施方今羣胡擾似覺虜運衰  
達靺軍其西會以蒙國欺蛇豕互吞噬干戈極猖披  
盜賊毛蝟起歛民及刀錐父老思漢官壺漿後王師  
吾君自神武妙算出籌帷收攬天下才尺寸不可遺  
機會一日來恢復此其時況如郭侯者禮賢正謙卑  
使之會雲龍列城歸指揮安知古中原不使同馳驅  
過也久淪落狂名諸公知然亦壯心胆志慕鞭四夸  
脫靴奴將軍舉扇障元規有音世不賞詩酒聊自嬉  
霜風忽無情一夜吟徹肌高臥百尺樓閉門無晨炊

起視匣中劍依舊光陸離有恩或可報一死所不辭

海棠

步障蜀州錦重重碧羅襦嬌多不勝春十五未嫁夫  
我欲金屋之貯以貢上都窈窕飛世間穠李待綠珠  
冶容致人疑詎知非妖狐雉扇開綠綺君王麗華俱  
後庭非無花有寵爭得無八姨淡手抹試妝不施朱  
不如玉環翠睡起姿態殊人言花傾國况乃下蔡乎

悲淮南

淮民窮到骨忍復椎其肌不知鐵錢禁作俑者爲誰  
行商斷來路清野多流離主人日邊來四牡驅以馳

或云易之是或云收之宜幾人困往返逐逐文書移  
救焚卒無策燎火久益滋緬懷征權初山海煮摘時  
雖云便公家亦復撓其私今者縱虎狼而使渴與飢  
蕭蕭蘆葦林日夜邊風吹悲哉淮南民持此將安之  
俞太古嘗叩閣上書有名天下予甚敬之相會  
於姑蘇將歸洞庭讀書賦詩以壯其行

人樹俱不堪歲月駒隙過老懷泪如洗欲唱誰當和  
洛陽今少年弊事勞力破精神經百鍊鋒銳堅不挫  
陶名茲惟舊敬席快一坐氣燄九霄虹磊落萬玉貨  
平生牀上下樓輒讓子卧諸公吮疽耳不去良可睡

洞庭清風孰肄業情勿情有詩寄來看工拙吾能課  
九日鄂渚登高楚觀分韻得能字

一山如龍來起伏力不勝老夫跨其脊半空欲飛騰  
尚念同游人一二東南朋稅駕爲小留木末朱欄凭  
遠水天共闊秋風響飢鷹城郭千萬家營壘相依憑  
年年重陽節高處盡可登南樓與北榭游覽昔所曾  
插花楚觀上醉舞僅所能驚倒地上人白日看上昇

讀書

重尋讀書盟筆硯已荆棘只堪把鉏在趨此尚有力  
世途風波惡躬履見險側敢云賣文活一錢知不直

思故人

朋從紛如雲益覺索居甚肺腸百憂集午夜不安寢  
長恐木石心化作萋兮錦日暮懷佳人霜風悄寒凜

歸耕

途窮百無成或許營菟裘依然大槐宮蟻穴夢封侯  
人生眠飯耳物外亦贅疣科名付諸公老矣吾歸休

自嘆

羣公列屋居官貴輒鼎台艷妝照珠翠寒谷噓春回  
書生窮蹇甚一笑百禍胎何時業債盡面目還本來

贈鄉人周從龍談命

廬陵儒萬人頗亦出青紫  
七子三不歸未省鄉里士  
暮年罕交遊僅識子周子  
風流屬當行豈止談天耳  
夜從青樓飲一醉幾欲死

送程伯俞赴海陵蘇使君之招

紅裙簇雕筵一醉當鯨吸使君若問余爲道貧徹骨



珠聯璧合... 輶當... 與... 吾... 問... 余... 爲... 數... 貧... 猶... 骨...  
... 矣... 亦... 出... 青... 於... 子... 三... 不... 融... 未... 官... 廉... 里... 士...  
... 平... 交... 對... 端... 于... 固... 于... 風... 氣... 飄... 當... 台... 豈... 五... 楚... 天... 耳...  
... 亂... 刻... 離... 萬... 人... 願... 亦... 出... 青... 於... 子... 三... 不... 融... 未... 官... 廉... 里... 士...

龍洲集卷四

宋劉過撰

綿州李調元

兩村校

七言律詩

代壽韓平原

衣鉢登庸復舊氈  
文王尚父趙平原  
自從慶歷到今日  
只說開禧初  
改元朝闢東齋  
廣東閣夜看南極  
照南園  
九霞觴舉先旬浹  
却領千官壽帝垣  
際會風雲振古難  
十年袖手且旁觀  
要令隣敵尊裴度  
必向東山起謝安  
一品千齡靈壽杖  
五公四世進賢冠  
功成裂地封留了  
却趁赤松盟未寒

疇昔張旃過相時，相人爭覩漢官儀。未能鑿刻燕然石，不忍摩挲晝錦碑。慷慨欲平千載恨，經營已歎十年遲。要令閱古詩篇偉，好讀車攻復古詩。國付平章衆正開，凌烟錄盡到雲臺。鴛鴻充序皆桃李，羔鴈成羣草萊強。國斷無逾此策，隨車未必盡真才。更須妙幹垂綸手，看取靈鰲上手來。宇宙之間物物春，咸疏曾不問陶鈞。裔分裴皞東西眷，誼篤嗣宗南北隣。中令諸孫難遍識，棲筠族子老堪親。試捐內舉拘孿跡，無異平原十九人。

壽建康太尉

萬里寒風一布袍，持將詩句謁英豪。正當武曲臨凡世，恰值驪龍出海濤。五馬盡投千歲鶴，六軍爭獻萬年桃。不因此日滄溟近，一釣那能得巨鰲。

慶周益公新府

潭潭新府列名卿，玉帶金魚喜氣橫。能廣萬間庇寒士，定容駟馬向高閣。午橋莊上江山秀，獨樂園中花草榮。纔作美哉輪奐，頌清臺又見相星明。

辭周益公

一曲歸歟浩浩歌，世間何地不風波。人從貧賤試者少，事向艱難省處多。紫塞將軍秋佩印，玉堂學士夜

龍州集 卷四  
鳴珂太平宰相不收拾老死山林無奈何

代上譙太尉

丁寧天語聽傳呼叱咤雷霆壓萬夫澤國使臨殊玉  
節彤墀香近惹金爐慶逢龍躍風雲閣職有蟬聯父  
子俱援手墜淵餘事爾故人有子在泥塗

謁易司諫

已死姦諛老舐牛非才詎可鎮西州豺狼逐去羣狐  
懼鷲鳥雖多一鶚秋天下孤寒有生意諸蕃元帥為  
清修太平更有當年事未可廉纖只麼休  
十載長安五往來立談無語口慵開懶看齷齪隨時

士誰是艱難濟世才韋布豈無堪將相廟堂未易賤  
蒿萊上書欲謁平章去光範門前肯自媒

上金陵章侍郎

龍虎東西兩踞蟠帝教彈壓此山川風行魏蜀三分  
國浪靜江淮萬里天半面旌旗佳麗地十州鼓角鬱  
蔥邊便當擊楫中流誓莫使鞭為祖逖先  
欲上雲霄虎豹關失身一落市城間經過魯肅指時  
廩想像謝安遊處山去國夢魂愁切切感時淚滴血  
斑斑少陵却欲依嚴武妻嫂輕人未敢還

上袁文昌知平江

龍溪集 卷四 三  
秀骨如仙孕武夸故教手筆世宗師隸分唐漢諸家  
字句壓陳黃二子詩茂苑雨晴花發處洞庭霜重橘  
黃時塵埃俗吏那能此一段奇功自可知  
車馬城中早上忙子城內裏看星郎十州已茂園屏  
草一炷初凝画戟香銅剖虎符新雨露玉持使節舊  
風霜明年櫻筍成時候不在烏臺卽玉堂  
欲上姑蘇望虎邱小邦寧有此風流山川形勢今三  
輔人物英雄古列侯華屋鱗鱗冠蓋里畫橋曲曲管  
絃樓金陵蜀郡俱疏遠除却皇都第一州  
行盡淮南日日東自攜隻影入吳淞人生五馬方知

貴客老諸侯嘆未逢適意秋風寧爲鱸驚心半夜忽  
聞鐘十年無計離場屋說着功名氣拂胸  
已辦行都欲去船箇中因得少流連長安在望空悲  
日刺史誰知別有天鼓吹後車喧水際旌旗前騎簇  
花邊書生不願懸金印只覓揚州騎鶴錢

寄李侍郎

未照玉堂金炬蓮地官董正職尤專常經要足邦中  
賦勝筭猶煩馬上鞭黃閣少須持紫橐黑頭早已繼  
青氈方今講論肥民策不數橫流地上錢

謁淮西帥

家住徐州未卜還歸心正在杳冥間東遊吳會三千里西入成都一萬山解使愁腸能寸寸空令淚眼已斑斑此情不告英雄帥說向兒曹總是閑

謁金陵武帥李爽時叩殿帥爲易憲章求書碑江南無此一雄藩穩稱將軍小踞蟠韜畧世傳天下少棟華鼎時帥臣難狂胡要使如灰滅中國先須大器安慘慘塵沙天欲雪北風凜凜劍鏃寒

搏虎屠龍兩未成蕭然華髮一書生狂踪潦倒初無定老氣崢嶸自不平借馬飽遊雲夢澤歸舟小駐石頭城磨崖已辦中興頌洗眼西湖看北征

寄湖州趙侍郎

桑柘村村烟樹濃新秧刺水麥梳風舟行苕霅雙溪上人在蘇杭兩郡中鼓角麗聲相旦暮旌旗小隊間青紅主人夙有神僊骨合主水晶天上宮

呈李漕

默禱神僊政隱憂天心人意已周流旱苗已槁七八月甘雨如期十五州風葉冷吹雲夢曉水花新浸武昌秋異時白紵輸官處知有豐年萬斛收塵埃破帽倦騎驢一雨窮途快有餘盆盎自天傾屋瓦龍蛇平地起堦渠冷侵絺綌覺太甚聲滿梧桐殊

不疎口業未償詩有債夜深燈火小窗虛

喜雨呈吳察按

使君人物舊烏臺天聽雖高力挽回湖水欲平江爲  
退秋田未旱雨先來雲隨黃鶴遊何許風滿南樓亦  
快哉涼意入秋清可画月巖知有桂花開  
黃鶴山前雨乍過城南草市樂如何千金估客倡樓  
醉一笛牧童牛背歌江夏水生歸未得武昌魚美饋  
無多棹船亦欲徜徉去古井而今淡不波

謁京口張守

未識諸人各已侯一麾應此滯徐州誰知安石恐未

免欲借寇君何可留遺愛與山同北固平生作計豈  
東周上方已聽尚書履聲在星辰最上頭

危樓年少記登臨老矣重來力不禁風月欲談嫌許  
事山川不險似人心淡烟衰草鄉關遠細雨黃花節  
序深雖有小詩行樂處世無知己爲誰吟

上劉和州

戟外梅花角有聲使君心與月華明郡當采石今衝  
要船在烏江罷戰爭酒賤人家歌誇飲地實客子帶  
刀耕太平宮府無公事見說香凝燕寢兵  
草樹荒寒脫葉枯又尋短棹泛焦湖場經古戰心欲

折客老諸侯，飢更驅去國。寂寥從白眼，籌邊謀畫看。  
洪儒袖詩來，謁公應記會。說襄陽側坐隅。

雪中呈顏使君

一冬所欠者雪耳，造物忽然如戲兒。清甚牧之江上  
郡，朗吟次仲館中詩。試燈夜靜疎梅落，賣劍村深小  
麥滋。多少使君調燮意，風流只有化工知。

陰陽舒慘剎，那間刺史天。高見一班人物，眼中如水。  
鑑世情，身外不冰。山滌除瑕垢，與掩匿彈壓。風雲俱  
澀慳，羔酒帳金輪。武將者茶蕭寺對僧閑。

喜雨寄徐東陽

和州昔有賢從事，今作東陽父母官。百里望風皆畏  
易，四郊得雨及時難。秋成有望米價減，水滿不爭民  
業安。詩事定多公事少，不妨閒寄故人看。

代謁江華會百里

樞衣三十年前事，會似諸生傍絳紗。一國所尊吾白  
下，雙鳧猶遠令江華。時來館學俱餘事，老去衣冠懷  
故家。共怪我門郊島外，狂生尚有一劉叉。  
鬢髮已皤非故我，依然破帽老騎驢。江南遊子斷腸  
句，漢殿逐臣流涕書。父祖松楸三世塚，弟兄桑梓百  
年居。孤邱未死歸心切，未有相如駟馬車。

代贈侯戎

江淮萬里以詩行此老胸中有甲兵何止據鞍猶矍  
鑠試教落筆便縱橫逢時有用真才出知己不遭儒  
者輕若見英雄今馬帥爲言劉子尚狂生

贈趙道卿

虬髯鬚鬚虎精神大袖披披二尺巾散盡貲財猶結  
客畧爲言語便驚人斬蛟橋下懲前失藏兔窟中甘  
後塵朝士只今誰着眼顛狂贏得且安身

贈鄂渚李廣文

曾去征袍異主恩青衫君已染塵痕故人然諾千金

重刺史文章一代尊楚澤地多增感慨峽江天小易  
黃昏更知後夜相思處細雨青燈獨掩門

贈陳時可

交遊半世已公卿猶抱遺經對短檠負米過於扛鼎  
重選官難似上竿行百年母子命相倚一片忠忱誰  
爲明烟火小樓風雨夜歲寒時得話平生

呈胡季解

老病顛狂藥不醫羸豪馬坐欲何爲前生縱使希真  
是已死尚存忠簡知顛倒六經鸚鵡舞瀾翻一曲竹  
枝詞雖然結韉王生僭人以此賢張釋之



簡李文

衰鬢蕭騷半欲絲尚能隨隊作兒嬉  
碁無殺意從人活琴有仁聲却自悲  
落魄陳平歸漢日中傷張祿入秦時  
諸公莫作狂夫看恐是英雄未可知

陪趙丞飲東軒留題

冠蓋如雲許後陪酒紅醫老上吾腮  
轉旋舞影乾坤窄搖撼歌聲風雨來  
漁網撒池蓮葉老龍涎薰坐桂花開  
翠蛾捧勸同文字商略西風更百杯

龍洲集卷四畢

龍洲集卷五

宋劉過撰

綿州李調元校

七言律詩

上張紫微真仙

真仙原是苦于湖今在高樓何處居  
霏玉不容陪偉論撥灰猶爲作行書  
雲霞縹緲來旌節瓊玖玲瓏聞佩琚  
幽顯殊途人世隔冷風吹雨送回車

送劉從周教授

鳳閣鸞臺次第留此生何必爲身謀  
工夫到易通三聖潔白持身第一流  
桑梓靜思如子少萍蓬自歎此

生浮還鄉若有過從便會盡人間只點頭  
送王東卿歸天台  
枚數人才難倒指有如公者又東歸班行失士國輕  
重道路不言心是非載酒青山隨處飲談詩玉塵爲  
誰揮歸期趁得東風早莫放梅花一片飛  
千岩萬壑天台路一日分爲兩日程事可語人酬對  
易面無慙色去留輕放開筆下閒風月收斂胸中舊  
甲兵世事看來忙不得百年到手是功名

送劉允叔還浙東

樹倒羣公尙不飛先生於此獨知幾  
身無益事成

敗閉口不言心是非吳渚蓴鱸張翰去鑑湖風月賀  
章歸從教血染長安市一舸清風眠釣磯

送友人得館遊南康

匏大從來速售難依人高戴誤儒冠江南又客諸侯  
去梅子愁人四月寒半世光陰旋蟻磨百年舉子上  
魚竿世間多少不平事盍向廬山靜處看

寄張都幹

林深葉密綠陰繁荷漸生芽蒲有根心事蹉跎過歲  
月故人落寞共乾坤舟行蓴菜水雲浦路入楊梅烟  
雨村何日叩門尋子去一樽相對話黃昏

寄郭德順

玉弟金昆共七人典刑惟有此公存一區未蓋楊雄  
宅滿座嘗傾北海尊人品細看真第一詩篇遠寄不  
辭頻筍輿歸路無人管風雨瀟湘行暗村

寄郭伯瞻

聖門力學錢公輔盛世能書蔡伯喈出處有時安義  
命笑談無我見襟懷桂花香滿山堂鬧秋氣清連石  
洞偕只好放教椽筆健留將大字寫磨崖

醉中寄王子林

我頭扶病醉岑岑履歷糟丘歲月深行路隨身惟一

劍對花買笑亦千金離鄉老去天涯淚上塚淒其寒  
食心風雨閉門無客過爐香銷盡夜沉沉

寄呂英父

清時蕭散坐才疎收拾窮愁却著書詩筆有神通夢  
寐丰標不俗更清癯黃花細雨鬢江路落日西風處  
士廬抖擻塵埃舊時帽不妨覓句倒騎驢  
秋到家山冷不知但驚風露入新詩低頭欲拜無東  
野滿耳惟聞說項斯骨骼昂藏雲鶴瘦吟哦淒斷雪  
猿悲文章已得真消息三十科名未是遲

寄潘文叔

不隨千騎入淮揚夜渡關山却一航臭味偶同貧更  
好功名有志老何傷自甘商皓來東閣敢怨陳登卧  
上床欲擊單于知力倦歸來且理舊詩囊

寄程鵬飛

往事遊邊憶少年未嘗攜刺五侯門春風躍馬漢南  
道落日椎牛淮上村科舉未爲暮年計途窮不忍向  
人言男兒慷慨頭當斷未有人施可報恩

襄陽雪中寄江西諸友

雨澀風慳夜向闌粉花飄撲客衣單功名有分平吳  
易貧賤無聞訪戴難懶逐銀盃行處馬靜思玉鑑舞  
時鸞詩成咫尺誰堪寄常與邦人醉底看

舟次富池寄九江諸公

既無文采又顛狂五十餘年夢一場錯認我爲林子  
晦也教人喚賀知章樽前鶴翅誰從舞老去槐花尙  
自忙船解酒醒人不見長江萬里水茫茫

南康邂逅江西吳運判

一節西來已駭傳不堪歸去便淝川舟行彭蠡輕文  
種酒到潯陽酌樂天臺諫久無公議論朝廷新有驟  
除遷臣心畢竟終憂國不敢瞻烏涕泣然

萬里西征一葉舟誰憐天地此生浮初征秋浦雁飛

龍州集 卷五  
處天泊江南霜葉洲貧困盡從歸後見雄豪半為病  
來休十年心事閒搔首荻雨蘆花總是愁

湖口邂逅張伯豐同行

萬里無人獨自行得君逆旅爲東征聯同騎馬相先  
後共作詩詞迭唱賡僕向洞庭和雪渡船從湖口帶  
冰撐明年袍綠荊州去遇有西人好寄聲

西湖別舍弟潤之

幾度歸程入夢間秋鴻社燕兩爲難西湖半夜風雨  
急交泗一床心胆寒落第我爲中酒味園橋子亟洗  
儒酸臂弓秣馬長淮去莫笑狂夫老據鞍

張帥幹席上口占

海樹婆娑日出東一年窮處已殘冬春衫濕到西湖  
雨魂夢覺來長樂鐘梅擲白英樓壓鳳燈挑紅焰劍  
纏龍便教分闌持麾去未愜平時錦繡胸

姑蘇送王武岡不值訪汪仲冕席上口占

嚴城夜出鼓鼙畫鷁三更不見踪何必披雲尋樂  
廣真成避雨識茅容蘇花似雪玲瓏白臘酒如春琥  
珀濃若使世間無我輩老夫何處不窮冬

毛積次席上口占

夜聽南牕金屈枝水花涼果似秋時人言愛酒陶元

亮坐有能詩無本師顛倒六經鸚鵡舞瀾翻一曲鷓  
鴣詞同遊未可輕相笑恐是長庚未可知

放翁坐上

林霧霏霏曉意涼野梔纔蕊已傳香幸哉世事日相  
遠怪底詩情老更狂臘蟻三杯浮重碧春膏一幅研  
輕黃何如放浪形骸外盡乞江湖作醉鄉

次劉啓之韻

豪結交遊三十年暮年識子海霜邊江西析派詩同  
社鴻寶傳家子已仙無用白鬚甘我老有才青眼望  
誰憐譬如飄泊湓城下篁竹蕭疎無管絃

次張昌化合溪新亭韻

不礙溪流水不平主人來處主鷗盟兩峯三秀出天  
造雙澗同流到地清尙憶經過曾對酒欲來登覽恨  
無名仙凡咫尺紅塵隔草草題詩亦浪評  
燕尾溪流上下分中餘里許地翻平林疎邑屋高低  
見水漲舫船來往輕闕老已仙誰傑作詩人爲縣得  
重評唐山見說雙溪館今見雙溪亭又成

次呂簿池亭韻

舉杯邀月到幽塘月入波心碎夜光倒影簾花翻翠  
色飛梭錦段織紅芳是中有客供千首此外無塵染

六郎昨夕王人間立久一身風露帶天香  
次史良夫寄題雲岫  
輕烟薄霧任渠行幽壑深崖款我生變化不知天地  
闊斂藏只要日星明肯同蒼狗移常熟每爲鳴鳩放  
好晴便趁風雷助滂霈人間七筓不須驚

長干寺用荆公韻

縈紆一徑試幽尋花竹禪房未是深野水不波清欲  
涼崇岡有竹翠成陰琵琶呢呢宛兒語蘭麝温温和  
水沉詩句欲追前輩後誰呼粉黛汗清吟

和都幹并柬允道

老子聲名舊白眉客窗相款話心時相猶忘我吾無  
法骨已換仙君有詩尊菜羹香春冉冉鹿遊臺上草  
離離一樽弔古平章看未羨君王郡牧麾

和印監寺玉簪花

得得尋芳聽自由名花先占八分秋鷺鷥折股晚風  
冷姑射遺簪勝地幽霜葉皺痕羅扇薄香苞破處雪  
衣柔一瓶一鉢休岑寂騎鶴腰錢豈易謀

咏余商卿梔子花

香不求知色自然朝來何許雪華鮮如行佛國叅知  
識未嫁仙姿益淨娟梅子已黃猶夜雨客遊方倦作

春眠地卑山近征衣潤不費薰爐一炷烟  
與青原正庵老  
倦行老矣徧東南最後青原識正庵無法更求身外  
說有禪應許意中叅春風遶寺雨華墜石鼎烹茶泉  
味甘暫脫塵囂聊稅駕與君相對款清談

簡能仁禮老

幻身到處等空虛習氣依然未掃除柏樹子邊尋祖  
意旃檀林下伴僧居三千世界初無碍十二時辰得  
自如牛糞火堆煨芋熟時時拾得嶼殘餘

贈張道士

修廊行盡到山齋中有高人百念灰門外不知春出  
筍池邊惟見地生苔內丹久煉龍長在大藥將成鶴  
屢來想見年年朝玉帝眉間一點淡黃開

贈永嘉張相士

青城遊遍蜀中山歸看公卿飽已諳杰鷲稍能見德  
祖興亡何闕百曹叅諸公富貴紙上語滿座風雷終  
日談我似北人君記取偶然留滯在東南

中風贈術士

一性圓明俱是佛四方落魄總成仙逢人只可少說  
話賣卜不須多覓錢退一步行安樂法道三箇好喜



龍洲集 卷五  
歡緣老夫亦欲挑包去若要相尋在酒邊

夜思中原

中原邈邈路何長文物衣冠天一方  
獨有孤臣揮血淚更無奇傑叫天  
闐關河夜月冰霜重宮殿春風草  
木荒猶耿孤忠思報主插天劍氣  
夜光芒

龍洲集卷五

龍洲集卷六

宋劉過撰

綿州李調元

雨村

校

七言律詩

題鳳凰臺

公子飄然有俊才此臺翻覺在塵埃  
江淮浩渺洲渚沒鳳鳥寂寥鴻雁來  
時事不言惟拄笏書生無用且  
啣盃生平自厭胸中窄萬里霜天  
一日開

題池州一覽亭

塵土中無絕妙詞不能重賦翠微詩  
淋漓醉墨楊廷秀恍慨悲吟杜牧之  
巖壑尙多吾足倦江山美信客

集 卷六

歸遲夕陽鴉點城門閉堤上鞭垂萬柳絲

題高遠亭

戍古城荒地勢雄一亭分半庾樓東廬山面目今真  
識江漢朝宗此會同司馬宅荒惟苦竹元規塵遠尙  
西風胡塵只隔淮河在誰為長驅一掃空

賞心亭

何人將我此來遊白鷺那知客有愁如子矜持山玉  
立似子迂闊水盤洲塵襟抖擻風雲入石刻摩娑歲  
月流惆悵謫仙鸞馭遠離離別恨黯灘頭

龔山長棲閣

柳徑參差小葉藍不知世有府潭潭楊雄宅就巢枝  
一去病家寒繞樹三從與諸公持爛熳勸酬終日酒  
醺酣出門萬里江邊去塵滿征衫我甚慙

南康天開圖畫樓

樓外烟波渺去鴻樓頭廬阜翠摩空故知造物鋪張  
巧不費丹青點染工赤壁江山橫夜月輞川亭館卧  
秋風祇今滿地無圖畫盡在西灣杳靄中

建鄴酒樓落成豫點燈

高樓百尺久摧頽輪奐重新亦壯哉徹夜笙歌催臘  
盡聒天簫鼓挽春回都人雜沓揮千鎰我輩登臨謾

一杯京國繁華欣再覩老來醉眼更堪開

洞霄

杖藜乘興到瓊宮滿日幽奇景莫窮山鎖九層雖極  
遠洞庭五處自相通侵雲天柱籠朝霧傍水清陰弄  
晚風可惜春禽啼曉月又催行李過江東

雲晴遊惠山

松杉如立密當門長在山中管送迎棲石草根留雪  
在響塔簷溜滴春聲簿書撥置君能到碑刻摩娑眼  
倍明欲作小詩無好句只題年月記經行

司郭殿帥遊鳳山寺探桃李

廉纖小雨久干梅喜得新晴亦快哉五色波光麗鳩  
鵲十分雲氣近蓬萊旌旗側畔宮牆轉戈戟叢中武  
庫回走馬看花生怕晚果然桃李一山開

同許從道登圓翠閣

清潭石洞游俱徧最後來尋此閣遶樹木滿林成茂  
蔭溪山圍縣恰周遭結交有味貧何害薄酒雖村飲  
亦豪明日重陽吾未去更于何處可登高

遊窄萼山

倦游華髮老飄飄意氣依然在九霄努力尙能登窄  
萼廢詩無可寄參寥欹斜古寺雲爲屋穩帖溪流石

架橋安得柳間桃李動丹青吾欲畫生綃

登白雲絕頂

雨罷新晴怯宿寒一簾秋色滿闌干欲窮大地三千  
界須上高峯八百盤累世避人秦婦子一時驚客漢  
衣冠塵寰元有清吟處便作三山蓬島看

登清涼臺寺

江南江北許多山到處登臨得凭欄老木漸丹霜有  
信怒濤衝岸水生寒倦游半世烏三匝往事千年指  
一彈落日正西催上馬依依回首問長安

又借韻小行

杖履尋詩問所由一天草木葉知秋天底雲淡村村  
好雨過山深物物幽斑駁巖頭苔蘚濕鉤輶樹尾鳥  
聲柔眼前不見市朝事始笑從前利祿謀

大麓道中

竹輿鴉軋曉烟收蒼玉巖巉萬里秋路轉羊腸回草  
徑溪分燕尾遶沙洲愛山有癖須還債覓句無工是  
不休晴得幾時尤更好桂花蓓蕾作針頭

登凌雲高處

攝衣更上一層樓纔到層霄最上頭方識乾坤真轉  
轂好知身世付虛舟九秋草木嵐烟濕萬里山川海

氣浮更欲杖藜窮望眼眼中何處認神州

過泰和宮

林塘漠漠亂花飛門掩蒼苔過客稀蝴蝶與身俱是  
夢杜鵑憐我幾時歸徐行便當籃輿穩清話何妨羽  
扇揮四十九年蘧伯玉此生畢竟是邪非

過西興

奔濤洶湧欲騎鯨船去錢塘棹子停何日子胥鞭楚  
墓傷時周顛泣新亭蚊虻過耳蠻音恐鰕蟹薰人海  
氣腥吳下阿蒙非昔日眼高相對有誰青

遊北

客裏浮沉又一年春風北墅故依然路邊花有香相  
引澗下松無色可憐仙鶴舞隨人擊筑神鴉飛傍客  
歸船何須故掃霜前葉却趁東風學曉煙

呂氏山堂喜雨

涼滿蒲萄磊落枝倦遊來此亦忘歸溝渠水活龍蛇  
動樹木月明鳥鵲飛欣減黃梁新米價愁生白苧舊  
征衣風流却扇團欒坐一夜談兵玉麈揮

雨作妨登山

莫笑林宗折角巾雨師堅壁坐愁城菰蒲乍冷橫烟  
淡鷗鷺驚秋立水輕山勢欲窮猶有路溪流似斷又

聞聲好懷聊擬攜筇去政慙農夫荷笠耕  
暑風快處岸烏巾去去扁舟遠帝城過眼谿山含霧  
重多情草木逗烟輕琴書政要疏人事禽鳥茫然聽  
履聲莫恨滿天霖雨惡雞牕好好筆爲耕  
杖履飄然不整巾緣何問得梵王城淡烟翠濕千螺  
皺微日烟銷一縷輕隔山鳥語如人語觸處風聲若  
水聲見說一犁今已足笑歌蓬首餉夫耕

掛塔松窩

年百北走東西豪氣崢嶸老不衰快斬妖魔三尺  
吟風月五言詩山無福地吾焉往神有靈丹世

却恐松窩知此意一包掛塔更何疑

鹽官權學

人生百世等歡悲已判行藏任所之筆硯重尋驚夢  
覺課程聊復伴兒嬉荒原傍海多閑趣閉戶觀書有  
倦時破帽塵埃今已矣不妨更借蹇驢騎

鹽官借沈氏屋

借宅西樓對短檠一燈相對紙窗橫煨爐火活蹲鴟  
熟沸鼎茶香蚯蚓鳴萬卷讀書空老大諸生蓋世盡  
功名依稀草木還鄉去更向夜深聞雨聲

入徽州

白傅庭前正解船夢中忽已過番川紅塵冉冉行天  
上黃道駸駸近日邊石洞歛谿俱可視山肥徽路總  
堪田把茅便欲僑居去奈此功名未了緣

寓公坊

秋風漸漸正吹涼似報歸期未欲忙尋路竹間深入  
寺泊船沙外遠依庄小槽壓酒珠紅滴新飯炊粳雪  
白香更聽夜來思遠浦軍聲十萬似錢塘

六合道中

十年曾此記來遊有策中原一戰收蒲柳易凋嫌  
去金湯無用卒和休悲風髣髴鳴刁斗缺月參差照

敵樓廟食封侯何日事不堪老馬又滁州

醉中偶成

小院蒲萄月架東舞腰忙越鼓聲雄詩成綵筆分題  
後人在金釵賭令中秋葉冷吹風浩蕩晚林烘透日  
玲瓏腰間若佩滁州印定有人呼作醉翁

無錫道觀

門外紅塵市一廛買瓜買李興悠然樹根石透月灑  
落殿閣屋多風折旋賣墨道人勤置酒能詩老子欲  
飛僊鬪饅南面蛆虫輩鵬鷄迢遙各自天

招義銘育王見佛照

豪傑書生勝散仙小庵藏跡得安閒  
禪曾勘破諸公去詩在推敲一字間  
夜雨滴殘梧葉老夕陽行處水花慳  
買舟便欲乘風去孤絕同遊海島山

金陵雪中

風幻寒威夜撲人曉看雲脚四垂陰  
收羝塞上功名淚騎馬藍關竄逐心  
冷面不春愁苑結凍鬚如鐵恐蕭森  
畫爐醉撥灰爲字不爲閑思暖帳金

對雪關效樂天

匣中雷吼一長劍溪上月明多少舟  
無賊可平閒李愬有人不訪倦王猷  
銀盃綉帶從渠便瑤樹瓊林得

自由衣敞獨嫌灰絮料簾高想見月垂鉤

觀白鷺洲風濤

一聲雷鼓挾風威頃刻衝濤沒釣磯  
行客駭看銀漢落陽侯驚起玉山飛  
蛟龍便爾爭先化鷗鷺茫然失所依  
安得長竿入我手翩然東海釣鰲歸

借陳調翁龍山買舟待夜潮發

來逢春雨長魚苗去見秋風擘蟹螯  
久矣歸心到鄉國依然水宿伴漁舸  
一天如許皆明月二客所須惟濁醪  
今夜四更潮有信更須留眼看銀濤

發舟



寶氣亭前首問途清飈日日送籊籊丹楓無處不愁  
客白鷺有情如導吾青竹閑垂任子釣紫鱗時掣季  
鷹魚烟波渺渺江天晚水宿又聽溪鳥呼

舟中偶作

日日拖舟上碧溪寒灘水淺草離離尺書雁斷歲行  
盡五兩風輕帆去遲白鷺導吾如有志丹楓愁客亦  
何爲關頭要趁梅花約更着寬期五日程

舟中

下水南風未覺難我舟不動穩如山東西日月尋常  
事變化烟雲頃刻間沙鳥似鷺皆退避林巒如畫亦

渾閑歸期只欲長安近屈指何時到北關

霜寒舟中

展轉牛衣冷不禁著人無奈曉寒侵由來十月清霜  
重况乃荒村白露深有客分金來橋社何人塗血染  
楓林不堪青女來料理折盡衰翁一片心

春日卽事

久客無人問所須小窗翻得遂癡愚黃昏以後酒三  
盞白日之間飯兩盂穀雨筍茶俱俊美條風杞菊競  
甘腴先賢可謂長貧賤况是平生山澤臞

出門雖是欠陶朱便使關門亦可居物價甚廉常食

龍沙集 卷六  
肉備資極省易抄書已安樂社知無用若比叢林似  
有餘歸與未歸天上事只消如此看何如

幽居

對面滄浪可濯纓不思泛舸出春城浮沉粉社何人  
重俯仰茅簷是事輕玉蕊連屏寒徙倚蒲萄上架月  
縱橫江湖老矣無他願只欲清陰便得成

自述

扁舟送客出姑蘇曉泊吳江夜雨餘波浪稍平風力  
定青黃相間橘林疎匆忙亭館催行酒草率盃盤旋  
買魚與我壁間書歲月無人爲作小王書

精神凋耗鬢毛衰劫火光中第幾回無可奈何教老  
去有時猛省忽愁來師崇道學元非僞客寄蘇州却  
類歎明日重陽又佳節得錢且醉菊花盃

自慙

一榻留人去便垂自慙非友亦非師初無伎倆惟貪  
酒遇有工夫或賦詩晒日棗林紅磊落響風梧葉碧  
參差人家正做鱸魚膾老子秋來却自悲

下第

蕩蕩天門叫不應起尋歸路歎南行新亭未必非周  
顛宣室終須召賈生振海潮聲春洶湧插天劍氣夜

崢嶸傷心故國三千里纔是餘杭第一程  
歲晚

手種疎梅已發妍相從三過客中年吾生豈得須如  
意隨處何妨且信緣風月心多時小醉軒裳夢少且  
閒眠萬人海裏能如此是自在禪并散仙

龍洲集卷六

龍洲集卷七

宋劉

過撰

綿州李調元

兩村校

五言律詩

代上韓開府

位貌鈞樞等元勳閎閎傳九重新洗日一柱獨擎天  
戰守籌帷外遷除化筆邊衣冠圖盛事不記幾貂蟬  
上周少保

游戲公孤了歸來不愛名昌黎前進士司馬老先生  
有節花宜晚無波水自平繫雲遮不得南極益精明  
早被儒冠誤依稀老更侵科名數行莫岐路一生心

自晒亡猿木誰憐躍冶金使無鐘鼎志何地可山林  
初伏闕上書得旨還鄉上楊守秘書

郡大廬陵古分符得秘郎息爭民珥筆課最米連檣  
水隔蓬山遠風凝画戟香少須官事了歸去玉為堂  
百計歸無策誰知禍有胎江河周顛泣城郭令威來  
訪舊鬚俱白過家心欲摧故鄉非不好不是錦衣回

上范秘監

郡大當塗古分符得少蓬威如烏府在令與繡衣同  
鈴閣細書外花村賣劍中少需撫摩意來作玉堂翁  
疇昔經行路黃山更一過天涯知己少歲晚客愁多

路斷車生角冰堅水不波使君森画戟聞此盍如何

寄周益公

猥賤詩難化誰囂語不齊長途難短堠小雨易深泥  
逐利如爭鹿傷人類割雞心雖懷益國夢亦畏江關

和大叅相公

松深烟鎖逕月冷水明樓日漲滄溟窄山陰古木秋  
琴書超物表器宇識神遊突兀東南壯乾坤第一流  
氣壓三千界雲橫百尺樓地靈絕興替老木閱春秋  
杖履逍遙處琴書汗漫遊利名空役役回首愧禪流  
山邃龍蟠窟江昏蜃吐樓撞鐘千百指閱世八千秋

音沙集 卷一  
僧笑衣冠累天容杖履遊松梢清影碎薄月帶沙流  
贈劉叔擬招山

不醉何勞飲無詩底用吟百年爲客老一念愛鄉深  
草路青原淚烟波白鷺心班超歸未得想見舊家林

送楊伯子

天下少奇士况乎吾一州逢人問姓字知子有源流  
蘭初多黃口蓬山半白頭誠齋知未可喚作小坡休

送金陵胡撫幹

故家凋喪後初識淡菴孫玉樹明庭角冰澌吐語言  
荊州得上幕楚壤帶中原我欲附舟去白魚朱橘繁

共醉百斛酒千金一笑頃寄情桃葉渡弔古石頭城  
戰守籌雄地更番出戍兵甕天留不住圖略遂西征

和子純韵

橋下水如箭驚奔萬古號溪毛翻碧帶石蘚襯銀濤  
天外千層秀雲翻數尺高垂垂興偏惡蓬鬢爲詩搔  
都中留隨州李判官

幸自東南好西歸未可忙茶添橄欖味酒借蛤蜊香  
絕品宜春醉新烹趁日長倒囊煩厚載歸遺北人嘗  
江頭送趙教卽席同賦

東州二三子相送黃鶴磯渭北烟樹合江南春水肥

波寬魚意足沙淺鳥痕微我亦欲東去斜風雨濕衣  
送許閣二兄歸岳陽

岳鄂舊游處重來歲月更聯翩識吾友邂逅慰平生  
風送故人遠槐催舉子驚扁舟更珍重萬里莫留行  
九日寄陳君舉舍人

白髮江湖諳青燈几席涼病身幾千百佳節又重陽  
命也吾何奈天平孰可量元龍樓百尺猶得慰行藏  
除夜寄盧菊磻

見說盧夫子詩成手自書雪便金帳暖雲蔭玉川居  
椒葉儲名酒萍藜薦野蔬夜寒禪犢鼻應念馬相如

寄桐廬程宰

路入嚴州去桐廬得暫過盤飧湯餅賤機杼綺羅多  
令尹哦詩治居民酌酒歌吏人公事少門雀可張羅

寄吳子雲

曾是仁軒客飄零老更窮棹船秋葉浦策杖桂枝叢  
往事多如夢新詩不用工草廬消得幾不許臥隆中

吳尉東閣西亭

襲桂行香徑朱欄稍轉西水風颺石冷雲月墮簷低  
棋敗深杯罰詩豪健筆題舞忙釵鬢亂更爲棒朶萸  
石板橋東閣軒窗如此華碧虛澄水盞紅影浸霜花

似串歌雲駐如泥醉帽斜但驚風露冷飄落忘還家

湖口宰任伯厚挹清亭

政笑行役倦登臨心眼開舒蘄千里見蜀贛兩江來  
老覺樹如此涼生風快哉主人方好客不筭酒行杯

題龔山長樓閣

愛客龔山長能容日日過栽培初種竹愛護乍生荷  
堂對青山短門關白日多細聽閒議論不似我狂歌

題禾川龍飛英疏榮閣

堂扁朱書字何人可得之三衙新統帥六館老宗師  
文武無窮意江山不盡詩親恩如可報會有報君時

題黃文叔燕堂

仕宦不愜意有家胡不歸林栖鳥反哺梁語燕于飛  
鷗鷺忘之久貂蟬貴者希但存慈母健日日舞班衣  
着屋圖画裏四山樓觀重葺添張翰思橋當李侯封  
湖水自平淡花枝多冶容興來詩已就只可酒千鐘

西湖次舍弟潤之韵

舊說西湖好春來更一遊林逋山際宅蘇小水邊樓  
行密柳堤鬧樹多花影稠天堂從此去真箇說杭州

雨華臺次胡仲方韻

寒意濕烟草浮生吹浪花繞臺皆峻嶺陳迹一飛霞

子醉詞吐鳳吾狂字落鴉兒童應笑客風颭角巾斜

酒樓

夜上青樓去如迷洞府深妓歌千調曲客雜五方音  
藕白玲瓏玉柑黃磊落金酣歌恣蕭散無復越中吟

登曠軒

去春曾與客攜手過橋來寺蔭松極美塢深桃不開  
紅塵萬里去白首一年回淨洗曠軒眼雪天閒看梅

鐵塔寺呈輕老

樹木有古意軒窗多野情斷岡城一帶齊岸草叢生  
醉骨風蟬蛻病身沙鳥輕惜無東野筆琢句鬪僧清

同曹元章遊新安寺

畏暑倦杯酌修廊散步行寺深藏古意蟬老帶秋聲  
去就諸緣薄窮通一念輕更尋水清處爲我濯塵纓

遊古山

信步作幽討有菴如此深佛燈明老屋秋日淡疎林  
栢樹祖師意松楸老子心十年棄墳墓洒淚一悲吟

題古山菴

薄醉來遊此西風吹帽紗倦鴉叢密樹涼雨濕秋花  
題壁人何在哦詩句未嘉一杯湯餅具坐到日西斜

題鴈汭東林寺



鴈汊泊船去岸頭閒訪僧故人留少駐俗子見何曾  
佛屋擎天柱心光續命燈任渠狂到死吾老慢騰騰

書高堂菴屋

菴上木已拱山前水可陂崢嶸晦翁字突兀大參碑  
雲葉孤飛白鳥群反哺慈傷心前輩盡問道欲從誰

聿追庵題壁

路轉羊腸曲山藏蝸角深樹多成蔭密水少亦悲吟  
露草重陽淚風花寒食心摩娑墓銘看久立讀碑陰

元宵偶書

磊落東遊客磨跼且過僧有懷千不足自顧百無能

舊日名城酒他時夢境燈放歌聲激烈醉倒睡騰騰

寓東陽

元帥東陽主令君吾故人可憐九華客猶是一窮民  
古老狂狷士人間自在身化工都不管何地有陽春  
不學老無似艱難却飽諳遠從陶靖節來訪杜征南  
意倒羹蕁適貧猶食齋甘惜無廬可臥尚遶鵲枝三

泊船吳江縣

草樹逕塘岸人家半橋洲煖寒尋酒去覺懶罷詩休  
逆境年年夢勞身處處愁天涯倦行客明日又蘇州

送客剡溪

送客山陰路春風散馬蹄縱觀神禹穴深入子猷溪  
嫩草綠於染珍禽嬌已闕去程千萬里步步有雲梯

闕景初進納長安相值於西采石話及家事因

與對酌

未有還家策故鄉吾太和龍洲沙石健快閣水雲多  
塲屋科名累江湖歲月磨茅柴一杯酒相對奈愁何

方竹杖

鶴骨風前渡龍姿雨後鮮鋒稜四面峻節操一生堅  
荷蓀行隨適看山倚最便從教方有碍終不效規圓

挽拙菴楊居士

前輩晨星似如公抑又希榆邊遊已倦菊徑晚方歸  
聽雨兄同老冲天子欲飛傷心彈指頃一夢故人非  
尚憶龍蟠國城西作客時有山皆載酒無地不賡詩  
風雨交遊散江湖淚眼悲百年心事在只有鳳雛知

挽蘇吏部

奕世徵文獻逢時仕學優愛遺邊郡在官止外郎休  
月黑新塋夜溪橫舊隱秋從遊老賓客欲替二孤愁

龍洲集卷八  
蘇州文致精工賦氣雄悲百平心事存只存鳳麟  
尚對對團圓姓西封客胡育山皆嫌醉無此不歡  
離雨只回夢中天子浴飛鳳水龍歸以一事人共  
而遺集卷八賦公將又余林...  
蘇州文致精工賦氣雄悲百平心事存只存鳳麟  
尚對對團圓姓西封客胡育山皆嫌醉無此不歡  
離雨只回夢中天子浴飛鳳水龍歸以一事人共  
而遺集卷八賦公將又余林...  
蘇州文致精工賦氣雄悲百平心事存只存鳳麟  
尚對對團圓姓西封客胡育山皆嫌醉無此不歡  
離雨只回夢中天子浴飛鳳水龍歸以一事人共  
而遺集卷八賦公將又余林...

龍洲集卷八

宋劉過撰

綿州李調元

兩村校

七言絕句

上益公十絕為壽

金烏

金翰振曉近天威玉宇循環晝影遲會上大裘頭上  
看暖然可愛是冬曦

玉兔

雲淡星疎月有光廣寒仙府歲偏長多應自製延年  
藥振古長同桂子香

龍洲集

卷八

寶龜

納錫曾看上九江又聞詹事奉儲王巢成荷上規仙  
景左顧溪中賜印章

元鶴

緱山橋井與青田驅策風雲友列僊名號橫空心萬  
里九臯聲動九重天

壽鹿

年永曾聞葛稚川玉京何處錦紋鮮賞花應制嘉賓  
宴小雅當爲第一篇

丹桂

少壯東堂奏捷功浮香僊籍繼家風年年占得中元  
景一顆冰輪照九穹

影木

枝如華蓋聳瀛洲永世香風在萼浮時有群仙來弭  
節細聽鳴鳳碧枝頭

古柏

冰條雪葉節高堅臺憲風生凜凜然可羨堪爲棟梁  
用至唐千載尚三千

佳菊

壽客尤宜在壽鄉鈿花的皜傲新霜更歌華壽今歸

去尚有淵明野趣香

蒼松

東封已受大夫封又入丁公吉夢中祇道濟時作舟楫  
栳神猶有濟人功

代吳守與趙侯爲壽

地蟠江漢節歸然勁氣扶輿幾倍年白玉丹砂浩無  
數夜光隨處見山川  
氣運由來有盛衰循環久矣見天機黃山雲散無塵  
滓上將騰光入紫微

虎頭燕領足奇謀玉帳兵形象水流此去關河應不

遠上方擬築望英樓

文偉當年記鄂城崎嶇蜀道播英聲何如衣錦粉榆  
社卧護元戎十萬兵  
夜上南樓望玉京將星光底壽星明不須便卽騎黃  
鶴且爲皇家致太平

呈徐侍郎兼寄辛幼安

當年今日誤承恩自倚容華託至尊門外遊絲難駐  
日依然青草暗長門

狼臂將軍戰不休當時部曲已封侯夜深忽夢燕山  
月猶幸君王晚更收

官舍阻雨十日不能出閤成五絕呈徐判部  
學弄筆頭兒戲事風流眼底亦無之汪孫已往周洪  
沒本分作家今是誰

竹隱先生名滿世自爲舉子已詩聲春風若入五花  
判莫遣紫薇紅藥驚

秋霜烈日生前操流水行雲意外詩未必中興四君  
子於斯二者更兼之  
潦倒傍門羞騎馬倦遊老欲寄崑山留將造請囁嚅  
口慷慨狂歌泉石間  
世間別有人才任臺閣招徠恐未多半老江湖半巖

穴爲公一賦草廬歌

呈稼軒

精神此老健於虎紅顏白鬚雙眼青未可瓢泉便歸  
去要將九鼎重朝廷

閉門翹足觀山睡松檜鬱然雲氣高說夢向人應不  
信碧油幢下有旌旄

書來賜以蘭溪酒下視潘葑奴僕之吾老尚能三百  
盞一盃水不直吾詩

卧廬人昔如龍起鼎足魏吳如等閑若結梅花爲保  
社林逋只合住孤山

書生不願黃金印十萬提兵去戰場只欲稼軒一題  
品春風侯骨死猶香

投誠齋

省齋去國良齋老不獨宣尼嘆乏才試數諸公有名  
者廬陵那得兩誠齋

蓬萊東觀是亨衢經國文章要鉅儒頓着五花猶不  
判却於注易下工夫

畫戟門邊春晝長鼎新模範宿淮陽吏人俛眼報公  
事一瓣濃薰班馬香

智愚上下爾自異尺寸不差公短長畢竟昌黎仍舊

好何曾人說段文昌

綾袞厭入承明直却把一麾江上來雲氣隔天迷望  
眼不堪花落幾宮槐

夫子聲名號浙西作成文字欲何爲達人胷次元無  
翳芥子須彌我獨知

初政寰區望太平黎民樂業喜更生裴公用舍無輕  
重天下從茲有重輕

上吳居父

時乎無事清吟好衛霍貪功未足奇爭似一篇人膾  
炙四方傳誦卧龍詩

廟堂陶鑄人才盡流落江淮老病身尚踏槐花隨舉  
子不知鄧禹是何人

呈王山父

疎烟淡淡樹重重略得西南有路通鐘板不鳴山寺  
靜閉門人在月明中

辨得茅廬我便歸玉堂何處有梅枝歲寒老樹雖荒  
寂會有臘殘春到時

和危教授三絕

先生場屋文之虎氣懾狐狸自不知老去莫嫌官尚  
冷灞橋風月要新詩

天上群仙臺望居芹宮未是辱泥塗莫訝變化須臾  
心一點一鎔金在爐

行脚諸方履歷深似禪和子寄叢林試拈朝報一轉  
語以道觀之無損心

送胡仲方

略無一物將人意更逐行軒去似飛騰把清吟供惠  
送聊將遠出當依歸

鄭公句在貧何恨劉毅家寒淚一揮窮達莫言鄉義  
重此行畢竟是耶非

寄沈仲居



龍洲集 卷八  
十年鉛槧鬢絲秋獨抱成書四海遊三國諸人應夢裏一番公案又從頭

萬死中原百戰爭流芳遺臭各垂名思量陳壽已饒舌又費先生一管城

寄張東之

見山堂上山如畫二十年前曾客來飛絮滿城歸不得江南老却賀方回  
紫駟借得將軍馬垂柳西湖第一橋欲傍酒家做寒食腐儒何日有狐貂

簡胡衛道

淮北山南幕府開江淮誰念有遺才出門萬里長安道乞我於潛馭馬來

結束弓刀鞍馬間精神矍鑠我猶頑褒衣博帶休相笑前戴頭巾金帽環

過無錫見李元德祭酒

戀樹棲禽煖不飛不知弓繳有危機季膺若悟尊鱸好應悔江東不早歸

高門拂日鳴珂里吹竹彈絲煖響中寂寞一區如此宅世間却有兩揚雄

新變文章學未成青雲無路致吾身應逢墊角諸生

笑欲效林宗却整巾

贈經長老

菜肚老人禪已飽  
愛人從叟作詩僧  
客來無處着歡  
喜一語不會談  
葛藤

題自然足軒

秋光萬斛潑疎簾  
瘦玉蕭蕭拂畫簷  
鵲尾爐中香篆  
冷矮窗袖手對楞嚴

翠竹無多第一奇  
政憂喧聒俗人知  
清風自足老僧  
用只是窗前欠好詩

竹無生不費鋤  
亭亭楚玉影癯癯  
風師自是識人

意何用縱橫十萬夫

題東林寺

爾自貪癡不肯閑  
江南多少好青山  
老夫爲不愛官  
職買得狂名滿世間

書越州能仁寺壁

流年轉眼一飛梭  
如此頭顱奈老何  
狼籍落花春不  
管竹雞啼處雨聲多

書僧舍

綠楊染水濃如畫  
天氣欲晴風自和  
二月杏花猶未  
放一春分外覺寒多

西林菴

雪汁融融溪棹回此山林竹亦佳哉看殘未了槐巖  
在笋蕨肥時又一來

山末

山末疎紅尾尾霞晚煙叢薄是人家移船更喜吹香  
好枸橘花開媚淺沙

龍洲集卷八 萬夫

龍洲集卷九

宋劉過撰

綿州李調元校

七言絕句

遊清潭呂資益蟠谷十絕

清潭

一潭清淨水無泥潭岸無泥石更奇擬待月明垂釣  
去前溪雨足怕龍歸

蟠谷

透迤路逐驚蛇去轉盼不知身已高雪積萬層山四  
合碧油幢外有旌旄

飲綠

野花紅白倚巖開只可臨風自一盃  
謹莫放教公子見恐攜窈窕入籠來

初秋

老子垂垂秋露下九月空山天氣寒  
黃花剩開且勿剪留得一秋烟雨看

啜羹

香不求知色正青青子九碗見飄零  
山中若有離騷伴痛飲吾知勝獨醒

漱玉

帝所森嚴寂不喧九關虎豹守天門  
何人奏事含風殿日晏鳴珂下紫垣

含暉

濕雲將雨逼溪東石澀灘鳴水勢雄  
忽作曉晴秋更好月來林外透玲瓏

香徑

一花帶蕊香氣滿何況叢生樹兩行  
風露益高秋爾足請君來此撼琳琅

谷庵

穹廬架屋石峻層香火西風只一僧  
日晚課經猶未

了閉門先點佛前燈

碧蓮峯

前山崛起青蓮朶色掃晴空如葉開若擬空花猶未  
了空中安得有峯來

三登徑山而雨或曰龍王相迎予笑而戲以詩

細雨霏霏灑路塵龍神有意迓嘉賓世間小節成姑  
息盡念熬煎烈骨人

遊古仙巖

白蘋風裏步清秋來作靈巖古洞遊笑倚飛雲訪仙  
迹夕陽無語伴人愁

欲遊閣阜山

仙梯難上塵緣重俗駕勒回山有靈煙靄模糊雨昏  
黑數峯疑在夢中青

西湖

西湖湖上山如畫二十年前曾客來飛絮滿城歸未  
得江南老却賀方回

湖上

五行撩我到錢塘花底題詩句亦香莫惜高吟三十  
韻敢煩詩伯為平章

弋陽渡頭

車聲盡日滑黃泥怕聽空桑叫竹雞風雨不知春蚤  
晚柳條搖綠半江垂

初入平氏書院

雪屋彈琴泛作聲寂無人語紙窗明倦遊識破諸緣  
妄已與梅花一處清

湖口阻風

冒雪衝霜已十程狂風乃敢厄吾行無人說向江神  
道莫待明年却世情

蘄州道中

如箭陰風劈面吹雪花斜夾雨垂垂胷中自有平戎

策路入蘄州冷不知

自宣溪過早禾渡

雨後斜陽未見晴曉看紅日報窗明筍輿十里宣溪  
路剗地濃雲脚裏行

梅欲攬春菊送秋早禾渡口晚煙收風從灘上催船  
過滾起寒沙一并流

林采釣臺

百尺難量大丈夫問他出處意何如乾坤已付劉文  
叔從此先生歸釣魚

不賦龔山長樓閣

音沙集 卷九 四  
不知此是何人宅楊柳雖低屋却高見說圖書皆仗  
物六經之外有離騷

村店 大夫走問出  
林深路轉午雞啼知有人家住隔溪一塢鬧紅春欲  
動酒帘正在杏花西

溪邊猶棹酒船回冷水灣頭雨意開一路有詩吟不  
穩當初豈不共君來

春日書事 亂氣昏珠日  
薄雲籠日護初晴沙岸潮來春水生閒傍柳堤騎馬  
去一鞭春色柳風輕

春歸

百花開盡到酴醿一片春心又欲歸可恨東風留不  
得謾教啼鳥怨斜暉

和送牡丹韻

娉娉嫋嫋洛陽花合在瑤池阿母家乞與老人渾不  
愛白髯相對耗烏紗

萱草

不盡人間萬古愁却評萱草解忘憂閒花若總關憔悴  
誰信浮生更白頭

梅花

人間不盡春來意恰則一枝梅更疎待得和羹幾時  
在祇今風月上新除

香氣惱人休不得荒林月裏夜相過花應笑容有底  
急客若不來花奈何

凍雲垂垂雪欲落風澀雨慳如此寒分折南枝與君  
看老夫自要北枝看

高門拂日瓊爲樹呼我不來那肯過不知此花有何  
好寒鄉日日用無何

寂無人語斷回程日落未落孤山橫平湖水闊何許  
去傍竹松邊自好行

雪

醉枕醒來夜未央倦身展轉壓藁床映窗色皎猶疑  
月刮骨寒知不是霜

喜雨

誰借長鞭策懶龍黃梅水漲舳舻通還知君子憂雨  
切常在桑麻稼穡中

北方旱氣與兵連猶恐淮州亦蔓延數日下田新雨  
足不應千里不同天

聞杜宇

杜宇幾聲烟靄外相思只在蜀山陰閒愁不共花飛



音沙集 卷九  
盡贏得傷心一片心思只存  
山館閑愁不共  
燕

聞鶯

東風扶日上花枝  
恰恰幽禽弄暖時  
百轉忽驚春夢  
破開關石上話相思  
恁教他在  
蔓草遮日不  
田

鴈

朝隨漢使到天涯  
暮與江鷗宿浦沙  
歲晚客途營一  
飽稻粱多處卽爲家

萬重山水萬重雲  
歲歲江南客此身  
天末西風晚來  
急數行飛下  
未汀蘋  
良風轉  
風寒未  
地窗  
窗

漁翁

短篷三尺寄煙波  
短褐休休歲月過  
江海不知戎馬  
事酒酣搔首唱漁歌

聽阮

絳蠟攢花夜氣橫  
樽前更着許風情  
却將江上風濤  
手來聽紗窗摘阮聲

閒步

山徑無人鳥啄沙  
杖藜閒看摘新茶  
錦綉委地荀翻  
籜黃玉滿林松帶花

夢覺

夢回斜日轉花陰  
時有黃鸝送好音  
高卧草廬人不

識東風啼鳥獨知心

感舊

羅結同心柳帶青碧桃香裏記將迎春風重到憑欄  
處腸斷江樓不忍登

詞

手不釋卷商辭到終  
發難發亦交廉難難前更替指風謝賦採玉蓮風  
龍洲集卷九

龍洲集卷九

龍洲集卷十

宋劉氏過撰

編者 李調元 兩校

五言絕句

遊郭希呂石洞二十詠 缺其一

清曠

筍輿啞啞來路轉此歇脚長風挾秋下深意滿萬壑

蒼髯萬松宮窈窕一逕開請回俗士駕切莫呵殿來

水齋書院

力學如力耕勤惰爾自知便使書種多會有歲稔時

水流自何許遠欲窮其源石梯苔蘚層微有屐齒痕  
兩崖限東西裏有一帶天老蟾更多事駕月下潺湲  
叢叢萬橫板羅生雜松篁不以巖穴幽歲晚政自香

小爛柯

遊戲一彈碁歲月駒隙過不如兩忘機石上脚踏坐  
去去山轉深樹下益凄冷時有月鳥飛間碎梧桐影

古文闕雲  
仙官已降勅雅有新遷除乞爲此閣使雲物屢卷舒  
高碧

小山碧巉巖直上與天齊詩成欲磨崖藤蘿費攀躋  
石井

銀床遶周遭一規寒浸水試敲拄杖看恐觸蛟龍起  
壺天

逆溪隨水行更上紫翠峯朱欄忽飛閣映帶烟霞重  
玉佩

借榻卧雲屋敲枕子細聽誤疑鳴珂聲不知水冷冷

飛雪

山前大雪

路自何處入蒙茸六花亂冷澗征衣濕

笙鶴

木末俯清軒獨立久延佇何人騎鶴來髣髴吹笙侶

韜玉

至寶不自獻韜藏亦英華餘香被草木秀擢幽巖花

倚劍

石澗自磨礪三嘆不用久如去到人間爲儂洗塵垢

藥圃

古文不可賣未覺賣藥非侵晨荷鋤在暮得芝朮歸

玉泉

石礫沙汰盡悠悠潭影斜塵襟不忍濯爲惜無玷瑕

不樂少水盡必欲學得終身固本之為歸乃在無功

世洲集卷十畢

音義集

Blank manuscript area with vertical lines for writing.

宜州漢卷中

Vertical text on the left margin of the manuscript page.

